

Siulittaasoq qujanaq

Immikkoortup 61 Ilisimmarfiup allilerneqarnissaa pillugu aaliangiiffissaq ullumikkut aappassaaneqqissuarput.

Kingullermik suliassap ukiulernera erseqqinngimmat, aappassaaneernera ataatsimiitsitaliamut uterteqqinneqarami.

Siullermik erseqqissaatigissavaput:

Naleqqamiit ilinniartitaanerup qaffassarnissaa pisariaqarluinnartutut isigigatsigu ilinniarneq tassaamat meeqqatta nunattalu siunissaat.

Ilinniarneq tassaavoq nammineersinnaanissamut aqqut.

Ilinniagaqarneq tassaavoq inuiaqatigiittut imminut napatissinnaanissatsinnut tunngavik.

Tamanna pillugu Ilisimatusarfiup ilimmarfiup tattoqiffiulersimasup allilerneqarnissaa Naleqqamiit akerrilersunngikkippat erseqqissarusuppara.

Kisianni apeqput pingaarnerpaaq tassaavoq.

Qanoruna ineriartortitsiniartugut?

Kikkut eqqarsaatigalugit ineriartortitsissaagut?

Suliassaqaqaagut ilinniarnernerup iluani, nuna tamakkerlugu iluaqutaasumik qanoq ineriartortitsissaagut?

Qanoruna ilinniartuussuseq siammarniarippat katiterussinata.

Allannguutissatut siunnersuuteqartoqarmat suliassaq annertusivoq.

Uppik-projekti ilanngullugu, kollegiet meeqqeriviillu ilanngullugit aammalu minnerunngittumik 1. juli 2027-imut ullulerlutigu.

Ullumikkut nunatsinni inuusuttorpassuit ilinniarnissamut periarfissaqarnissaat oqaluuseraarput.

Kisianni inuusuttortavut tamarmik Nuummi najugaqanngillat.



Taamaattumik ilinniartitaaneq pillugu oqallinnermi pingaaruteqarluinnarpoq nunarput tamakkerluinnarluni isigineqarnissaa.

Ineriartortitsinermit ilimmarfimmilu tattoqilliuunermut akerliunngilagut,

Ilisimatusarfiup pisariaqartinneqartumik allilerneqarnissaanut, unali uteqqilaassavara immikkoortoq 75 eqqarsaatigalugu Naalackersuisoq kukkummat, mistillid-ertoqarmat avannaani periarfissat qatangiinnartinneqarnerat. Imalu avannaani periarfissat amerlanerulersinneqarnissaat pilersinneqanngittoormata uggorilluinnaratsigu.

Periarfissaq Ilulissani ilinniarfeqarnerup ineriartortinneqarnissaa, kivisinneqarmat ilinniarsimassutsip nunatsinni qaffariaatissaralua pinngitsoormat sulii puigunnginnatsigu.

Isumaqaratta nuna tamakkerlugu ineriartortitsineq oqimaaqatigiinnerusariaqartoq.

Nalunngilarpummi nunarput nammineerluni ilinniarsimasunik pisariaqartitsisoq.

Nakorsanik.

Peqqissaasunik.

Ilinniartitsisunik.

Inuiaqatigiilerisunik.

Ingerlatsinermit immikkut ilisimasalinnik tamanik.

Inuiaqatigiinnik ineriartortitsisinnaasunik.

Pisariaqaavittorli uaniippoq, nunatsinni inuit ilinniarsimasut najugaqarnissaat aamma qulakkeertariaqaratsigu.

Ilinniarneq aamma akeqarmat, ilinniareeraangamik immaqa nunatsinni minnerpaamik qaammatini imalu ukiuni qassini suleqqartarnissaat pisariaqalersimangila?

Ilinniarnep minnerpaamik nalinga utertillugu.

Minnerunngittumillu Ilinniarnep inuussutissarsiornermit inuiaqatigiillu pisariaqartitat naapertorlugit aqqissuuttariaqarpoq.

Finland-imiikkatta Paasisatta ilagivaat "Behovsanalyse".

Nunatta siunissami pisariaqartitai malillugit ilinniarfissanik porsaaneq, ilinniarfiit suut sallinneqassanersut, suut aningaasaliiffigineqarnerussanersut pisariaqartitsineq malillugu ingerlatsineq aallartissamat.



Ilinniartitaanermi assaat sumi pisariaqartinneqartut malillugit sanarfineqartariaqarmat.

Ilimmarfimmik alliliinissami nunani allani aningaasaateqarfiit ilanngunneqarnissaat periarfissatut oqaatigineqartut.

Qanoq aningaasalersorneqarnissaat eqqarsaatigalugu Uppik Projekt-imi takuneqarsinnaasut malillugit periarfissat ersarilluinnarput taamanikkussamullu sulii taakkua aningaasaleerusussanersut paasilluarnissaat qilanaarnarpoq.

Tamanna periarfissaq pitsaasutut isigaarput.

Naleqqamiilli erseqqissassavarput aningaasaliisut avataaneersut tikilluaqquneqarmata, kisianni nunatsinni ilinniartitaanerup aqunneqarnera nammineq tigummiinnassagipput pingaartuummat.

Piffinni allani tupinnaannartumik "VETORET"-inik tuniorarlugit ingerlasoqartarmat ajuikkami.

Nunatta pisariaqartitai tunngavigalugit ineriartortitsisoqassaaq.

Erseqqissaatigerusupparpulli maaniittunut tusarnaartunullu tamanut ilinniarnarup aningaasartuutaannaanginnera, siunissamullu aningaasaliinerunera uteqqillugu oqaatigeqqilaarusukkatsigu

Oqarsinnaalerutta ilinniarnarup inuiaqatigiinnut tamanut iluaqutaasoq, aammalu nammineersinnaanissatsinnut tunngaviusoq nukittorsagassaaq.

Qujanaq.